

«ТАСДИҚЛАНГАН»

«Туронбанк» АТБ Кенгашининг

2022 йил «25» девралдаги
Х-14-сонли Қарори

«МАЪҚУЛЛАНГАН»

«Туронбанк» АТБ Бошқарувининг

2022 йил «23» девралдаги
16/9-сонли Қарори

№ 935

**“Туронбанк” АТБда Коррупцияга қарши тартиб-таомилларнинг
самарадорлигини мониторинг ва назорат қилиш
УСЛУБИЁТИ**

I. Умумий қоидалар

1. Мазкур Услубиёт “Туронбанк” АТБ нинг (кейинги ўринларда – Банк) ички норматив ҳужжати ҳисобланади ва банкда коррупцияга қарши курашиш бўйича белгиланган тартиб-таомиллар ва коррупцияга қарши курашиш бўйича қабул қилинган ички норматив ҳужжатлар бажарилишини мониторинг ва назорат қилиш тартиби ҳамда стандартларини белгилайди.

2. Мазкур Услубиётда мониторинг деганда коррупцияга қарши курашиш тизимининг амал қилиши самарадорлигини баҳолаш ҳамда банк фаолиятида коррупциявий хавф-хатарларни камайтириш мақсадида текшириш, назорат деганда танқидий ўрганиш кўринишида амалга оширилиши мумкин бўлган коррупцияга қарши курашиш тизими ҳолатининг таҳлили тушунилади.

3. Мазкур Услубиёт Ўзбекистон Республикасининг қонун ҳужжатлари, банкнинг ички норматив ҳужжатлари талабларига мувофиқ, шунингдек, коррупцияга қарши курашиш бўйича илғор халқаро амалиётни ҳисобга олган ҳолда ишлаб чиқилган.

4. Коррупцияга қарши курашиш тартиб-таомилларининг самарадорлигини мониторинг ва назорат қилиш (кейинги ўринларда – мониторинг ва назорат) банкнинг Комплаенс назорат департаменти томонидан амалга оширилади.

5. Мониторинг ва назоратнинг асосий мақсадлари қўйидагилар ҳисобланади:
банк фаолиятининг коррупцияга қарши қабул қилинган талабларга мувофиқлигини текшириш;

коррупцияга оид ва бошқа ҳуқуқбузарликларнинг олдини олиш, коррупцияга қарши амалга оширилаётган чора-тадбирларнинг етарлилиги ва коррупцияга қарши тадбиқ этилган тартиб-таомилларнинг самарадорлигини ошириш ва баҳолаш;

камчиликларни аниқлаш ва уларни бартараф этиш орқали банкнинг коррупцияга қарши комплаенс тизимини такомиллаштириш;

банкнинг коррупцияга қарши ички норматив ҳужжатлари ва тартиб-таомилларига риоя қилинишини таҳлил қилиш;

банк фаолиятида коррупция хавф-хатарлар индикаторларини аниқлаш; манфаатлар тўқнашувини ўз вақтида аниқлаш ва тартибга солишга қаратилган чора-тадбирларнинг амалга оширилишини таҳлил қилиш;

банкнинг коррупция хавф-хатарларини камайтиришга қаратилган бошқа тартиб-таомилларининг бажарилмаганлигини аниқлаш;

банкда аввалги ўтказилган мониторинг натижалари ва коррупцияга қарши курашиш тартиб-таомиллари, хизмат текширувлари, ички аудит текширувлари,

бошқа назорат чоралари ва улар доирасида тақдим этилган тавсияларга риоя қилиниши, шунингдек, коррупцияга қарши курашиш режасида тасдиқланган бошқа тадбирларнинг амалга оширилишини назорат қилиш;

6. Ушбу Услубиёт мақсадларида куйидаги асосий тушунчалардан фойдаланилади:

контрагент (шартномавий шерик) – банк билан шартномавий муносабатларга (мехнат муносабатлари бундан мустасно) киришган ҳар қандай юридик ёки жисмоний шахс;

коррупциявий ҳаракатлар – ходим томонидан бевосита ёки билвосита шахсан ёки учинчи шахслар орқали пора берувчи манфаатлари йўлида ҳаракат ёки ҳаракатсизлик учун моддий манфаатдор бўлиши, шу жумладан пул, кимматбаҳо қоғоз, бошқа кўринишдаги мулк ва мулкий хукуқлар, мулкий ҳарактердаги хизматлар олиш, талаб қилиш, ундириш, таклиф қилиш ёки бериш, пора бериш ва/ёки олиш ёки бунда воситачилик қилишда, расмиятчиликларни соддалаштириш учун тўловлар ундириш (пора олиш) ва бошқа ноқонуний мақсадларда ўз хизмат вазифаларидан ноқонуний фойдаланиш;

коррупция – шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равища фойдаланиши, худди шунингдек бундай нафни қонунга хилоф равища тақдим этиш;

коррупцияга қарши тизим – коррупциявий ҳаракатларнинг, Ўзбекистон Республикасининг коррупцияга қарши курашиш соҳасидаги қонунчилиги ва банкнинг коррупцияга қарши курашиш масалаларига доир ички хужжатлари бузилишининг олдини олиш, банк ходимлари томонидан ўз фаолиятини профессионал ва хулқ-атвор жиҳатдан юксак даражада амалга оширилишини таъминлаш бўйича комплекс чора-тадбирлар;

релевант хабар – банкдаги коррупциявий хатти-ҳаракатлар ва (ёки) манфаатлар тўқнашуви ҳақидаги ахборотдан иборат бўлган ахборот;

ходим – банк билан меҳнат муносабатларига киришган шахс.

II. Мониторинг ва назорат ўтказиш йўналишлари ва тадбирлари

7. Банкда қуйидаги асосий йўналишлар бўйича коррупцияга қарши мониторинг ўтказилади:

идоравий коррупцияга қарши тизим тизимининг актуаллиги ва унинг қонунчилик талаблари, шу жумладан, халқаро стандартлар талабларига мувофиқлиги мониторинги;

оммавий ахборот воситаларида банк ходимларининг ёки унинг контрагентларининг коррупциявий хатти-ҳаракатлари тўғрисидаги ахборот мавжудлиги мониторинги;

банк ходимларининг коррупцияга қарши асосий тамойил ва талаблардан хабардорлиги мониторинги.

8. Банкдаги коррупцияга қарши тизимнинг назорати қуйидаги йўналишлар бўйича амалга оширилади:

коррупцияга қарши дастурлар, йўл хариталари ижроси устидан назорат;

банкдаги коррупцияга қарши талаблар ва тартиб-таомилларга риоя этилиши устидан назорат.

III. Идоравий коррупцияга қарши тизим мониторингини үтказиш тартиби

9. Идоравий коррупцияга қарши курашиш тизимининг актуаллиги ва унинг қонунчилик талаблари, шу жумладан, халқаро стандартлар талабларига мувофиқлиги мониторинги Комплаенс назорат департаменти томонидан доимий равища Ўзбекистон Республикасининг коррупцияга қарши курашга оид қонунчилиги ва бошқа коррупцияга оид талабларни (масалан, Ўзбекистон Республикаси коррупцияга қарши курашиш Миллий кенгаши қарорлари, Коррупцияга қарши курашиш агентлигининг кўрсатмалари, халқаро ва чет эл ташкилотлари тавсиялари) кузатиб бориш йўли билан амалга оширилади.

Бунда, зарурат туғилганда Комплаенс назорат департаменти мониторинг якунлари бўйича банкдаги коррупцияга қарши тизимини такомиллаштириш, ички идоравий хужжатларни ўзгартириш ёки янги хужжатлар, чора-тадбирлар лойиҳасини ишлаб чиқади ва тасдиқлаш учун банк бошқарувига киритади.

10. Оммавий ахборот воситаларида банк ходимларининг коррупциявий ҳатти-харакатлари тўғрисидаги ахборот мавжудлиги мониторинги, банкнинг ахборот хизмати томонидан доимий равища оммавий ахборот воситалари ва ижтимоий тармоқларни кузатиш орқали амалга оширилади.

мониторинг натижасида ходимга алоқадор релевант хабар аниқланганда банкдаги ходимларининг коррупциявий ҳатти-харакатлари ва одоб-аҳлоқ коидаларини бузиш ҳолатлари устидан хизмат текширувлари үтказиш бўйича ички идоравий хужжатда белгиланган тартиба ҳаракат қилинади.

11. Банк ходимларининг асосий коррупцияга қарши тамойиллар ва талаблар тўғрисида хабардорлигини текшириш Комплаенс назорат департаменти томонидан ярим йилда бир марта амалга оширилади.

ходимларнинг хабардорлиги мазкур услубиётга 1-иловада келтирилган ходимларининг коррупцияга қарши тамойиллар ва талаблардан хабардорлигини текшириш тизимига мувофиқ үтказилиб, қуидагиларни ўз ичига олади:

танлов асосда банк ходимларининг текширувда иштирокини аниқлаш (сўровда қатнашадиган ходимларнинг минимал сони банкнинг турли тузилмаларидан турли лавозимларни эгаллаган б киши);

коррупцияга қарши курашиш тамойиллари ва банк талабларига мувофиқ саволлар рўйхатини тузиш (вазиятли топшириқлар - кейсларни ечиш билан) саволларнинг минимал сони 10 та, тест, очик саволлар ёки бошқа шаклда тузилиши мумкин);

жавоб/ечимларни тақдим қилиш учун танланган ходимларга назорат саволларини юбориш;

натижаларни таҳлил қилиш ва коррупцияга қарши курашиш талаблари ва тартиб-таомилларини тушуниш ва уларга риоя қилишдаги қийинчиликларни ходимлар билан муҳокама қилиш.

12. Ўтказилган мониторинг ва унинг натижалари тўғрисидаги ахборот 2-иловага мувофиқ шаклда журналга киритилади.

IV. Банкдаги коррупцияга қарши тизимнинг назоратини амалга ошириш

13. Банкнинг коррупцияга қарши дастурлар, йўл хариталари ижроси устидан назорат коррупцияга қарши кураш тизимининг ҳолати тўғрисидаги ҳисботни

шакллантириш ва тақдим этиш бўйича ички идоравий хужжатга мувофиқ ҳисбот тузиш давомида амалга оширилади.

14. Коррупцияга қарши талаблар ва тартиб-таомилларга риоя этилиши устидан назорат банкдаги коррупцияга қарши курашиш тизимини ташкил қиласиган функция, тартиб-таомиллар, коррупцияга қарши курашиш мақсадида коррупциявий хавф-хатарларга энг кўп мойил бўлган муносабатларга нисбатан банкда жорий этиладиган ва амалга ошириладиган чора-тадбирларга нисбатан амалга оширилади.

15. Банк фаолиятининг ўзига хос хусусиятларини инобатга олган ҳолда Коррупцияга қарши талаблар ва тартиб-таомилларга риоя этилиши устидан назорат периметрига куйидаги хавфли жараёнлар киритилиши мумкин:

харидлар бўйича фаолият;
совғалар, хизмат сафарлари харажатлари;
фаолияти назорат қилинувчи ташкилотлар билан ўзаро ҳамкорлик;
молиявий маблағларни сарфланиши;
персонални бошқариш (кадрларни танлаш, тайинлаш, лавозимини хизмат) ошириш, мукофотлаш ва бошқа кўринишдаги рағбатлантириш).

16. Коррупцияга қарши талаблар ва тартиб-таомилларга риоя этилиши устидан назорат олиб бориладиган фаолият жараёнларининг кўрсатилган рўйхати ҳар йили коррупцияга оид хавф-хатарларни баҳолаш натижаларига кўра Комплаенс назорат департаменти томонидан кўриб чиқилади ва агар лозим бўлса, коррупция нұқтаи назаридан хавфли бўлган ёки банк учун долзарб бўлмаган жараёнлар нұқтаи-назаридан, Бошқарув Раиси ва банкнинг тегишли таркибий тузилмалари билан келишилган ҳолда, ўзгартириш ва қўшимчалар киритиш орқали тузатиш киритилади.

17. Бир ёки бир нечта хавфли жараёнларга нисбатан коррупцияга қарши назорат даврий оралиқда, лекин банкнинг коррупцияга қарши мониторинг ва назорат режасига мувофиқ ҳар чоракда камида 1 (бир) марта амалга оширилади.

18. Коррупцияга қарши талаблар ва тартиб-таомилларга риоя этилиши устидан назорат режаси икки календарь йилга мўлжаллаб Комплаенс назорат департаменти томонидан жорий йилнинг 15 февраляга қадар шакллантирилади ва ушбу Услубиётда кўрсатилган (15 ва 16-бандлар) Банкнинг барча жараёнларини, текшириладиган даври ва текширув муддатларини ўз ичига олиши керак. Шу билан бирга, тегишли чоракда текширилиши керак бўлган хавф-хатар жараёнларининг кетма-кетлиги ва тақсимланиш жараёни банкнинг коррупциявий хавф-хатарларни аниқлаш ва баҳолаш бўйича ички идоравий хужжатида кўрсатилган, меҳнат ресурслари билан таъминлаган ҳолда қонунбузарликлар тўғрисида хабар бериш каналлари ёки бошқа усууллар орқали, раҳбариятдан олинган жорий кўрсатмаларга кўра Комплаенс назорат департаменти томонидан белгиланган тартибда хавф-хатарларни баҳолаш натижалари бўйича жараёнларнинг қолдик хавф даражасига қараб амалга оширилади.

19. Тайёрланган Коррупцияга қарши талаблар ва тартиб-таомилларга риоя этилиши устидан назорат режаси 31 январга қадар Бошқарув томонидан тасдиқланиши керак.

20. Банкда режадан ташқари Коррупцияга қарши талаблар ва тартиб-таомилларга риоя этилиши устидан назорат чоралари куйидаги ҳолларда амалга оширилиши мумкин:

агар Бошқарув Раисининг тегишли буйруғи мавжуд бўлса;

Банкда ўтказилган бошқа текширувлар (шу жумладан расмий текширувлар, ички аудиторлик текширувлари ва бошқалар) давомида коррупция хатарлари аниқланганда;

Банкнинг алоқа каналлари орқали тегишли хабар олинган тақдирда.

21. Назорат тадбирлари текширув шаклида ўтказилиб, шу жумладан, коррупциявий ҳаракатларнинг индикаторларини аниқлашга қаратилган бўлиши керак, улар доирасида қуидаги тартиб-таомиллар ҳам амалга оширилиши мумкин:

банк томонидан тузилган шартномалар маълумотларини товарларни қабул қилиш ва топшириш хужжатлари ёки хизматлар кўрсатиш, ишларни бажариш хужжатлари билан солиштириш;

товарларни ҳақиқий сотиб олиш ва улардан фойдаланиш ёки хизматлар кўрсатиш, ишларнинг бажарилиши тўғрисидаги ҳисоботларни уларнинг микдори ва сифати билан тегишли шартнома ва хужжатларда белгиланган тартибда солиштириш;

Контрагентни ёки банкда ишлашга номзодни текшириш натижаларига асосланган хulosада акс эттиришнинг тўлиқлигини, таҳлил қилиш учун тақдим этилган ва ахборот манбасининг мазмунини қайд қилувчи хужжатлар таркибидаги маълумотларнинг тўлиқлигини текшириш, шунингдек, контрагент ёки ишлашга номзоднинг шартномада кўрсатилган маълумотлари ва текширувдан ўтган шахснинг маълумотларининг мувофиқлигини текшириш;

контрагент ва банк, шу жумладан, мувофиқлаштирувчи шахслар томонидан шартнома бошқа маъмурий хужжатлар имзоловчиларининг ваколатлари мавжудлигини текшириш, тақдим этилган хужжатларни ваколатли шахсларнинг имзолари билан визуал равишда мослигини солиштириш;

контрагентнинг реквизитларини ва тегишли шартнома бўйича суммани бухгалтерия ҳисоби маълумотлари билан солиштириш;

банк ёки контрагент ходимлари томонидан тақдим этилган хужжатларида тузатиш, ўчириш, сохталаштириш белгилари йўқлигини текшириш;

қонун хужжатларига ва банкнинг ички хужжатларига мувофиқ талаб этиладиган оммавий ахборот манбаларида эълонларнинг мавжудлигини текшириш (рақобатлашув харид қилиш тартиб-таомилларининг эълон қилинганлиги тўғрисида маълумот ва бошқалар);

пайдо бўлаётган масалалар бўйича қўшимча маълумот ва изоҳлар олиш учун банк ходимлари билан сухбат.

22. Назорат тадбирлари якунида маълумотнома тузилади (кейинги ўринларда- Маълумотнома деб юритилади), у кириш, тавсифловчи ва якуний қисмларни ўз ичига олиши лозим ва уларда, одатда, қуидагилар кўрсатилади:

Кириш қисмида:

Ҳар бир вазифа ва тартиб-таомиллар учун назоратнинг бошланиш ва тугалланиш саналари;

назорат ўтказилган вазифа ва тартиб-таомиллар рўйхати;

назорат ўтказилган вазифа ва тартиб-таомилларни бажаришга масъул бўлган бўлимлар ва шахслар рўйхати;

Хисоботни тузиш учун масъул ходимнинг ФИШ.

Тавсифловчи қисмида:

назорат ўтказилган ҳар бир вазифа ва тартиб-таомиллар бўйича танлов амалга оширилиши усули ва танлаш ҳажми;

Банк коррупцияга қарши тизимининг аниқланган коидабузилишлари ва камчиликлари, шу жумладан, камчиликларнинг пайдо бўлиши ёки ривожланишига хисса қўшган сабаблар ва шароитлар.

Якуний қисмида:

назорат ўтказилган ҳар бир вазифа ва тартиб-таомилларда коррупция хатарларининг мавжудлиги ёки мавжуд эмаслиги ҳақида хуносат;

Ўзбекистон Республикаси қонунчилигининг бузилган нормалари, банкнинг ички хужжатлари кўрсатилган асосий қоидабузарликлар;

назорат ўтказиш вақтида аниқланган қоидабузарлик ёки камчиликларни бартараф этиш бўйича тавсиялар;

23. Маълумотномага киритилган маълумотларни тасдиқловчи хужжатлар, ҳаволалар ва кўчирмалар нусхалари(иложи бўлса) илова қилиниши керак.

24. Маълумотнома Бошқарув Раисига ёки унинг ўринбосарларига тақдим этилади ҳамда ўтказилган назорат тўғрисидаги маълумот 1-иловага мувофиқ шаклда Журналга киритилади.

V. Якуний қоидалар

25. Мониторинг ва назорат якунлари бўйича ишлаб чиқилган тавсиялар банкнинг коррупцияга қарши курашиб дастурига киритилади.

26. Мониторинг ва назорат якунлари бўйича ишлаб чиқилган тавсияларни бажариш, амалга оширилган ишлар ҳақида Комплаенс назорат департаментига тегишли маълумотлар тақдим этилиши учун банкнинг барча таркибий бўлинма раҳбарлари шахсан жавобгардир.

27. Мазкур Услубиётга ўзгариши ва қўшимчалар киритиш, уни ўз кучини ўқотган деб топиш банк Бошқаруви қарорига асосан амалга оширилади.

Киритилди:

**Комплаенс назорат департаменти
директори в.б.**

М.Д.Мирзаев

Келишилди:

**Бошқарув Раисининг
биринчи ўринбосари**

А.Т.Ташев

**Бошқарув Раиси
ўринбосари**

С.Т.Калдибоев

**Бошқарув Раиси
ўринбосари**

Д.А.Рустамов

**Бошқарув Раиси
ўринбосари**

Дж.А.Ташкулов

Бухгалтерия ҳисоби ва
мoliaвий ҳисобот
департаменти директори в.б.

Т.Х.Ахмедов

Газначилик ва қимматли
қоғозлар департаменти директори в.б.

И.З.Кутбиддинов

Ходимлар билан ишлаш
департаменти директори

Ш.А.Ибрагимова

Юридик департаменти
директори

Б.Н.Арипов

Ички аудит департаменти
директори в.б.

Ү.И.Тангиров

Банк аппарати раҳбари

Ш.М.Хамраев

Кредитлаш департаменти
директори в.в.б

У.Н.Ўтанов

Инвеститция фаолиятини
мувофиқлаштириш ва лойиҳаларни
бошқариш маркази директори в.в.б.

А.А.Муаззамов

Банк рискларини бошқариш
департаменти директори в.б.

Ш.Э.Бозоров

Ташқи иқтисодий фаолият
департаменти директори

Б.У.Ахмедов

Ахборот технологиялари
департаменти директори

Б.Н.Деканов

Банкни стратегик
ривожлантириш ва маркетинг
департаменти директори

Ф.А.Рўзиқулова

Чакана хизматлар кўрсатиш
департаменти директори

Р.Ш.Файзиев

Банк хавфсизлиги ва ахборотларни
муҳофаза қилиш бошқармаси
бошлиғи

Н.И.Тангнибердиев

Лойиҳаларни бошқариш
офиси раҳбари

Ишлар бошқармаси бошлиғи



Ф.А.Исмаилов

А.А.Шаққулов